

四庫全書

集部

欽定四庫全書

文苑英華卷三百四十一 宋 李昉等 編

送行

李白三首

杜甫三首

釋皎然一首

劉禹錫一首

白居易一首

李賀一首

韋應物二首

韓翃一首

盧綸一首

李頌三首

鳴臯歌送岑徵君

時梁園三尺雪
在清冷池作

李白

若有人兮思鳴臯阻積雪兮心煩勞洪河凌兢不可以
徑度冰龍鱗兮難容舠邀神仙集作邀之峻極兮間天
仙山

籟之嘈嘈霜崖鷗皎以合沓兮若長風扇海湧滄溟之
波濤玄猿綠羆上他甘下吐覽切啖峯巒以路絕掛星辰於巖寂送
君之歸兮動鳴臯之新作交鼓吹兮彈絲觴清冷之池

閣君不行兮何待若返顧之黃鶴掃梁園之羣英振大
雅於東洛巾征軒兮歷阻折尋幽居兮越巘寧盤白石
兮坐素月琴松風兮寂萬壑望不見兮心氤氳蘿冥冥
兮霰紛紛水橫洞以下渌波小聲而集作兮上聞虎嘯谷
而生風龍藏溪而吐雲本集作杳冥寡鶴清唳饑鼯噭呻塊
獨處此幽默兮歟空山而愁人鷄聚族以爭食鳳孤飛
而無隣蝘蜓嘲龍魚目混珍嫫母衣錦西施負薪若使
巢由桎梏於軒冕兮亦奚異乎夔龍蹶蹠於風塵哭何

苦而救楚笑何謗兮而却秦吾誠不能學二子沽名矯
節以耀世兮固將棄天地而遺身白鷗兮飛來長與君
兮相親

鳴臯歌奉餞從翁請

集作清

歸五崖幽

集作山居

李白

昨憶鳴臯夢裏還手弄素月清潭間覺時枕席非碧山
側身西望阻秦關麒麟閣上春還早著書却憶伊陽好
青松來風吹石道綠蘿飛花覆烟草我家仙翁愛清真

才雄草聖凌古人欲臥鳴皋絕世塵鳴皋微茫在何處

五崖峽

一作溪

水橫樵路身被翠雲裘袖拂紫雲

集作煙

去

去時應過嵩少間相思為折三花樹

西岳雲臺歌送丹丘子

李白

西岳崕嶧何壯哉黃河如絲天際來黃河萬里觸山動

盤渦谷

集作轂

轉秦地雷榮光休氣紛五絲千年一清聖

人在巨靈咆哮擘兩山洪波噴流射

集作箭

東海二峯

却立如欲催翠崖丹谷高掌開白帝金精運元氣石作

蓮花雲作臺閣道窈冥人不到

集作雲臺閣
道連窈冥

中有不死

丹丘生明星玉女備掃灑麻姑搔背指爪輕我皇手把

天地戶丹丘談天與天語九重出入生光輝東海

集作求

蓬萊復西歸玉漿儻惠故人飲身騎第一龍上天飛

集作

騎二茅龍上天飛按初學記華山門列仙傳呼予先者有仙人持二茅狗來騎之乃龍也

送顧八分文學適洪吉州

杜甫

中郎石經後八分蓋憔悴顧侯運鑪鍤筆力破餘地昔

在開元中韓

木蔡

有

同鼎屬玄宗妙其書是以數子至

御札早流傳揄揚非造次三人並入直恩澤各不二顧
於韓幕內辯眼工小字分日侍諸王鈞深法更祕文學
與我遊蕭踈外聲利追隨二十載浩蕩長安醉高歌卿
相宅文翰飛省寺視我揚馬間白首不相棄驛騎入窮
巷必脫黃金轡一論朋友難遲暮敢失墜古來事反覆
相見橫涕泗嚮者王珂人誰是青雲器才盡傷形骸集作
話

體 病渴汙官位故舊獨依然時危語集作
話 賴躡我其多

病老子負憂世志胡為困衣食顏色少稱遂遠作苦辛

行順從衆多意舟楫無根蒂蛟鼉好為祟况兼水賊繁
特戒風飈駛崩騰戎馬際往往殺長吏子干東諸侯勸
勉防縱恣邦以民為本魚饑費香餌請哀創集作瘡痍深
告訴皇華使使臣精所擇進德知厯試惻隱誅求情固
應賢愚異集作烈士惡苟得俊傑思自致贈予猛虎行
出郊載酸鼻

惜別行送向鄉進奉端午御衣赴上都

杜甫

肅宗昔在靈武城，指揮猛將收咸京。向公泣血灑行殿，

佐佑鄉相乾坤平。逆胡冥寞墮煙燼，鄉家兄弟功名振。

麒麟圖

集作閣

畫鴻鵠行紫極，出入黃金印尚書。勲業超

千古，雄鎮荊州繼吾祖。裁縫雲霧成御衣，拜跪題封賀。

端午向鄉將命寸心赤，青山落日江潮白。鄉到朝廷說，

老翁飄

集作漂

零已是滄浪客。

惜別行送劉僕射判官

前人

聞道南行市駿馬，不限匹數軍中須。襄陽幕府天下異，

主將儉省憂艱虞祗收壯健勝鐵甲豈因格闢求龍駒
而今西北自反胡麒麟蕩盡一匹無龍媒真種在帝都
子孫未落東南隅向非戎事偹征伐君肯辛苦越江湖
江湖凡馬多顯賴衣冠往往乘蹇驢梁公富貴於身疎
號令明白人安居俸錢時散士子盡府庫不為騎豪虛
以茲報主寸心赤氣却西戎廻北狄網羅羣馬籍集作鳥籍
馬多氣集作用在驅除出金帛劉侯奉使光推擇滔滔才
畧滄溟窄杜陵老翁秋繫船扶病相識長沙驛強梳白

髮提胡蘆手兼菊花路傍摘九州兵革浩茫茫三歎聚
散臨重陽當杯對客忍涕淚

集有
君子

不覺老夫神內傷

送顧處士

吳與丘司議之
女婿即况也

釋皎然

吳門顧子予早聞風貌古真誰似君人中黃憲與顏子
物表孤高將片雲性背時人高且逸平生好古無儔足
醉書在篋稱絕倫神畫開厨怕飛出謝氏檀郎亦可傳
道情還似我家流安貧用晦讀書坐不見將名干五侯
知君別業長州外欲行

去聲
秋田修畎澮門前便取穀觫

乘腰上還將轆轤佩禪子有情非世情御旃貢餘聊贈
行滿道喧喧遇君別爭窺玉潤與冰清

送僧仲峴東遊兼寄呈靈澈上人

劉禹錫

釋子道成神氣閑住持曾上清涼山晴空

一作清室禮拜見

真像金毛玉髻卿雲間西遊長安隸僧籍本寺門前曲
江碧松間白月照寶書竹下香泉洒瑤席前時學得經
綸成奔馳象馬開禪局高筵談柄一麾拂講下門

集作得

徒如醉醒舊聞南方多禪一作長老次第來入荆門道荆

州本自重諸

集作
通

天南朝塔廟猶依然宴坐東陽枯樹

下經行居止

集作
此

故臺邊忽憶遺民社中客為我衡陽

駐飛錫講罷同尋相鶴經閒來共蠟登山屐一旦揚眉

望沃州自言王謝許

集作
與

同遊憑將雜擬三十首寄與

江南湯慧休

送張山人歸嵩陽

白居易

黃昏慘慘天微雪循

集作
修

行坊西歛聲絕張生馬瘦衣

且單夜叩柴門與我別愧君冒寒來別我為君沽酒張
燈火酒醉火煖與君言君何

集作
何事

入關又出關答云前

年偶下山四十餘月客長安長安古來名利地空手無

金行路難朝遊九城陌肥馬香車欺殺客暮宿五侯門

殘茶冷酒愁殺人春明門外高城

一作
高處直下便是嵩

山路幸有雲泉客此身明日辭君且歸去

送韋仁實兄弟入關

李賀

送客飲別酒千觴無赭顏何物最傷心馬首鳴金環野

色浩無主秋明空曠間坐來壯膽破新月不能看行槐
引西道青稍長攢攢一作青松君子送秦水小人巢洛

烟韋郎好兄弟疊玉生文翰我在山上舍一畝蒿疏田
夜雨呴租吏春聲聞暗闌誰解念勞苦蒼突唯南山

送褚祕

校集作

書歸舊山歌

韋應物

握珠不返泉匣玉不歸山明時重士亦如此忽恠褚生
何得還方稱羽獵賦昨集作來拜蘭臺職漢篋亡書已暗
傳嵩丘遺簡還能識朝朝待詔青鎖闈中有萬年之樹

集作中

蓬萊池世人仰望接此地生獨徘徊意何為故山可往
薇可采一自人間星歲改藏書壁上集作中苔半侵洗藥
泉中月還在春風飲餞灞陵原莫厭歸來朝市喧夫君
不見東方朔避世從容金馬門

送孫徵赴雲中

韋應物

黃馳少年無雙戟目視傍人皆辟易百戰曾誇龍上兒
一身復坐雲中客寒風動地氣蒼茫橫吹先悲出塞長
敲石軍中傳夜火斧冰河畔汲朝漿前鋒直指陰山外

虜騎紛紛翦應碎疑克奴破盡看君歸金印酬功如斗

大

送客之江寧

韓翃

春流送客不應賒南過徐州見柳花朱雀橋邊看淮水
烏衣巷裏問王家千間萬井無多事閉戶開門向山翠
楚雲朝下石頭城江鷺雙飛瓦棺寺吳士風流甚可親
相逢嘉賞日應新從來此地夸羊酪自有尊羨定却人

此詩二百七十二卷重出前已削去

送張郎中還蜀歌

盧綸

秦家御史漢家郎親專兩印征殊方功成走馬朝天子
伏檻論邊若流水曉離仙署趨紫微夜接高儒讀青史
瀘南五將望君還願以天書示百蠻曲棧重江初過雨
前旌後騎不同山迎車拜舞多者老舊卒新營遍青草
塞口雲生火候遲煙中鶴唳軍行早黃花川下水交橫
遠鴈孤霞蜀國晴印集作
昂竹筍長椒瘴起荔枝花發杜
鵑鳴回首岷峨半天黑傳觴接膝何由得空令豪士仰

威名無復貧交恃顏色垂楊不動雨紛紛錦帳胡瓶爭
送君湏更醉起簫笳發空見紅旌入白雲

送陳章甫

李頤

四月南方大麥黃
舉花未落桐陰長
青山朝別暮還見
嘶馬出門思舊鄉
陳侯立身何坦蕩
虬鬚虎眉仍大顙
腹中貯書一萬卷
不肯低頭在草莽
東門沽酒飲我曹
心輕萬事皆鴻毛
醉卧不知白日暮
有時空望孤雲高
長河浪頭連天黑一作暗
津口停舟渡不得
鄭國一作游

人未及家洛陽行子空歎息聞道故林相識多罷官
昨
日今如何

送康生入京進樂府詩

李頤

識子十年何不遇只愛歡遊兩京路朝吟左氏嬌女篇
夜誦相如美人賦長安春物舊相宜小苑蒲桃花滿枝
桺色偏濃九華殿鶯聲醉殺五陵兒曳裾此日從何所
中貴由來盡相許白夾春衣仙史贈烏皮隱几臺郎與
新書樂府唱堪愁御妓應傳鶼鵠樓西上雖因長公主

終須一見曲陽侯

送山陰姚丞携妓之任兼寄蘇少府

李頤

東風杳草路南客心容與白皙吳王孫青娥柳家女都
門數騎出河口片帆舉夜簾眠橘洲春衫傍楓嶼山陰
政簡甚從容到罷惟求物外蹤落日花邊剝溪水晴煙
竹裏會稽峯才子風流蘊伯玉同官曉暮應相逐加食
共愛鱸魚肥醒酒仍憐甘蔗熟知君練思本清新季子

如今得為隣他日知尋始寧墅題詩早晚寄西人

文苑英華卷三百四十一

欽定四庫全書

文苑英華卷三百四十二 宋 李昉等 編

山

虎牙行一首

閬山歌一首

閬水歌一首

嵩山天門歌一首

高山引一首

小山歌一首

驪山行一首

苔蘚山歌一首

望山歌一首

太山路一首

陰山道一首

蓮峰歌一首

石

石筍行一首

石犀行一首

青石一首

隱逸

逸人歌一首

丁隱君歌一首

柴溪翁歌一首

佛寺

道林寺三首

岳麓寺一首

山

虎牙行

杜甫

北風歛吸吹南國
天地慘慘無顏色
洞庭揚波江漢迴

虎牙銅柱皆傾側
巫峽陰岑朔漠氣
峰巒窈窕溪谷黑

杜鵑不來援
羌寒

集作啼

山鬼幽憂雪霜逼
楚老長嗟憶

炎瘴三尺角
弓兩斛力壁立

古集作石

古橫塞起金錯旌

竿滿雲直漁陽
突騎獵青丘
犬戎鏃甲圍丹極
八荒十

年防盜賊征戍誅求寡妻哭遠客中宵淚霑脰

閬山歌

前人

閬州

一作山

城東靈

集作雪

山白

閬州城北玉臺

一作壺

碧松

浮欲盡不盡雲江動將崩已

集作未

崩石那知根

集作眼

無

鬼神會已覺氣與嵩華敵中原格鬪且未歸應結

一作首

茅齋看

一作向

青壁

此詩一百五十九卷重出已削去註異同為一作

閬水歌

前人

嘉陵江色何所似石黛碧玉相因依正憐日破浪花出
更復春從沙際歸巴童溫

集作蕩

桨欹側過水鷄街魚來

去飛閣中勝事可腸斷閬州城南天下稀

嵩山天門歌

宋之間

登天門兮坐盤石之磷珣前汎汎兮未半下漠漠兮無
垠紛窈窕兮巖倚披以鵬翅洞膠葛兮峰凌層以龍鱗
松移岫轉左變而右易風生雲起出鬼而入神吾亦不
知其靈恠如此願遊杳冥兮見羽人重曰天門兮窮崇

廻合兮攢藂松萬接兮柱日石千層兮倚空晚陰兮足

風

一作風

夕陽兮艷紅試一望兮魂奪况衆妙之無窮

高山引

前人

攀雲竊窕兮上躋懸峰長路浩浩兮此去何從水一曲
兮腸一曲山一重兮愁一重松檣邈已遠友于何日逢
况滿室兮童稚攢衆慮一作愁於心胷天高難訴兮遠負
明德却望函京兮揮涕龍鍾

小山歌

萬楚

人說淮南有小山淮王昔日此登仙城中鷄犬皆飛去
山上壇塲今宛然世人貴身不貴壽共笑華陽洞天口
不知金石變長年謾在人間戀携手君能舉帆至淮南
家住盱眙余先諳桐栢亂流平入海茱萸一曲沸成潭
憶記來時魂悄悄想見仙山衆峰小今日長歌思不堪
君行為報三春鳥

驪山行

韋應物

君不見開元至化垂衣裳厭坐明堂朝萬方訪道靈山

降聖祖沐浴華池集百祥千乘萬騎被原野雲煙草木
生一作相輝光禁伏園山曉霜勁集作切離宮積翠夜漏長

集作切

玉階寂歷朝無事碧樹歲蹉跎更芳三清小鳥傳仙語

九華真人奉瓊漿下元昧爽漏一作編恒秩登山朝禮玄

集作光

元室翠華稍隱天半雲丹閣先集作明海中日羽旗旄

節憇瑤臺清絲妙管從空來萬井九衢皆仰望綵雲白

鶴方徘徊憑高覽古

集作一望

嗟寰宇造化茫茫思攸哉哉秦

川八水長繚繞漢氏五陵空崔嵬乃言聖祖授集作丹

奉

經以年為日億萬齡蒼生咸壽陰陽泰高謝前王出塵
外英雄共理天下晏戎夷讐伏兵無戰時豐薄賦集作賦飲

未告勞海闊珍奇亦來獻干戈一起文物垂懽娛已極
人事變聖皇方劖墜幽泉古木蒼山閑宮殿纘承鴻業
聖明君威振六合驅妖氛太平遊幸今可待湯泉嵐嶺
還氛氳

苔蘚山歌

顧况

野人夜夢江南山江南山深松桂閑野人覺後長歎息

帖蘚黏苔作山色閉門無事任盈虛終日欹眠觀四如
一如白雲飛出壁二如飛雨巖前滴三如騰虎欲哮咆
四如懶龍遭霹靂嶮峭嵌空潭洞寒小兒兩手扶欄干

同裴觀察東湖望山歌

前人

浴鮮積翠栖靈異石洞花宮橫半空夜光潭上明星啓
風雨壇邊樹如洗水淹徐孺宅恒乾繩墜洪崖井無底

主人載酒東

春一作

湖陰遙望西山三四岑

太行路

白居易

太行之路能摧車若比人心是坦途巫峽之水能覆舟
若比人心是安流人心好惡苦不常好生毛髮惡生瘡

與君結髮未五載豈期集作忽從牛女為參商古稱色衰相棄背當時羨人猶怨悔何況如今鸞鏡中妾顏未改君

心改為君薰衣裳君聞蘭麝不馨香為君事容飾君看

珠金集作翠無顏色行路難難重陳人生莫作婦人身百

年苦樂由他人行路難難於山險於水不獨人家集作間

夫與妻近代君臣亦如此君不見左納言右納史朝承

恩暮賜死行路難不在水不在山只在人情反覆間

陰山道

前人

陰山道陰山道紇邏敦肥水泉好每至戎人進

集作馬送

時道傍千里無纖草草盡泉枯馬病羸飛龍但印骨與
皮五十疋縫易一疋縫去馬來無了日養無所用土

集作

飛去非宜每歲死傷十六七縫絲不足女工苦疎織短截

充疋數藕絲蛛網三丈餘迴紇

鵠集作

訴稱無用處咸安

公主號可敦遠為可汗頻奏論元和三年下新勅內出

金帛酬馬值仍詔江淮馬價縑從此不令疎短織合羅

將軍稱

集作呼

萬歲捧受金銀與縑綵誰知胡

集作黠

虜啓

貪心明年馬來多一陪縑漸好馬漸多陰山虜奈爾何

蓮峰歌

賈島

錦礲潺湲玉溪水曉來微雨藤花紫冉冉山鷄紅尾長

一聲樵斧驚飛起松刺杌空石差

一作室

齒煙香

一作空

風

軟人參葉陽崖一夢伴雲根仙菌靈芝夢魂裏

石

石筍行

杜甫

君不見益州城西門陌上石筍叢高蹲古老集作來相傳是海眼苔蘚蝕盡波濤痕雨多往往有集作得來瑟瑟此事

恍惚難明論恐是昔時卿相墓家集作立石為表今仍存

惜哉俗態好蒙蔽亦如小臣媚至尊政化錯忤失大體坐看傾危受厚恩嗟爾石筍擅虛名後來未識猶駿奔安得壯士擲天外使人不疑見本根

石筍行

前人

君不見秦時蜀太守刻石立作三犀牛自古雖有厭勝

法天生江水湏

集作向

東流蜀人矜誇一十載泛濫

集作溢

不近張儀樓今年灌口

集作注

損戶口此事或恐為神羞

終藉隄防出衆力高擁木石當清秋先王作法皆正道

詭恠何得參人謀嗟爾三犀不經濟缺訛只與長川逝

但見元氣相

恒集作

調和自免洪濤恣凋瘵安得作者

集作

壯士提天網再平水土犀蒼

奔集作

茫

青石

白居易

青石出自藍田山兼車運載來長安工人磨琢欲何用
石不能言我代言不願作人家墓前神道碣墳土未乾
名已滅不願作官家道傍德政碑不鐫實錄鐫虛詞願
為顏氏段氏碑雕鏤太尉與太師刻用集作此兩片堅貞

質狀彼二人忠烈姿義心若石屹不轉死節若石確不
移如觀奮擊朱泚日似見叱呵希烈時各於其上題名
字集作謚一置高山一沉水陵谷雖遷碣猶集作碑存骨化
為塵名不死長使不忠不烈臣觀碑改節慕為人慕為

人勸事

一作
助

君

隱逸

逸人歌贈李山人

張楚金

上有堯兮下有由
眠嵩陽兮漱頽流
其貌古其心幽浩
歌一曲兮林壑
秋道險可驚兮人莫用樂
天知命兮守巖洞時擊磬兮
嗟鳴鳳吾欲知往古之不可追
自悠悠於元夢

丁隱君歌

陸龜蒙

華陽道士南遊歸手中半捲青蘿衣

集作皮

自言逋客持

贈我乃是錢塘丁翰之連江

集作天

大抵多奇岫獨詣君

家最孤秀盤燒天竺春笋肥琴倚洞庭秋石瘦草堂暗

引龍泓溜老樹根株若蹲獸霜濃果熟未容收往往兒

童雜猿狖去歲猖狂有黃冠官軍駭散無人鬪滿城奔

送翰之閑祇把枯松塞圭竇前度

集作後

相逢正

集作已非

賣

文一錢不直虛云云今來利作採樵客可以拋身麋鹿

群丁隱君丁隱君

集作昂

頭且莫變名氏即日便尋丁

隱君

紫溪翁歌

前人

一丘之木其棲身也屋吾容不辱一溪之石其居平也
席吾勞以息一竇之泉其音清也絃吾方在懸得乎人
得乎天吾不知所以然而然先生側弁而賡之曰采江
之魚兮朝舡有鱸采江之蔬兮暮筐有蒲左圖且書右
琴與壺壽歟貴歟賤歟歌闋而去

佛寺

前人

岳麓山道林二寺行

杜甫

玉泉之南麓山殊道林林壑爭盤紆寺門高開洞庭野
殿脚挿入赤沙湖五月寒風冷佛骨六時天樂朝香爐
地靈步步雪山草僧寶人人滄海珠塔剗宮牆壯麗敵

石

集作
杳

厨松道清涼俱蓮池

集作
花

交響共命鳥金榜雙

迴三足鳥方大涉海費時節玄圃尋河知有無暮年且

喜經行近春日兼蒙暄暖扶飄然班白將

集作
身

奚適傍

此煙霞跡可誅桃源人家易制度橘洲田土仍膏腴潭

府邑中甚淳古木守庭內不喧呼昔遭衰世皆晦跡今

幸樂國養微軀依止老宿亦未晚富貴功名焉足圖久

為謝

集作野

客尋幽慣細學何顚免興孤一重一掩吾肺

腑仙鳥仙花

集作山鳥山花

吾友于宋公放逐曾題壁物色分

留待

集作興

老夫

道林寺

韋蟾

石門廻接蒼梧野愁色陰深二妃寡廣殿崔嵬萬壑間
長廊詰曲千巖下靜聽林飛念佛鳥細看壁畫駄經馬

暖日斜明蝶躞梁濕煙散暮鴛鴦瓦北方部落檀香塑
西國文書貝葉寫壞欄迸竹醉好題窄路垂藤困堪把
沈裴筆力闡雄壯宋杜詞源兩風雅他方居士來施齋
彼岸上人投結夏悲我未離擾擾徒勸我休學悠悠者
何時得與劉遺民同入東林遠公社

同前

崔 玉

臨湘之濱麓之隅西有松寺東岸無松風千里擺不斷
竹泉湧入于僧厨宏梁大棟何足貴山寺難有山泉俱

四時唯夏不敢入燭龍安敢停斯須遠公池上種何物
碧羅扇底紅鱗魚香閣朝鳴大法敲天宮夜轉三乘書
野花市井栽不着山鷄飲啄聲相呼金檻僧廻步步影
石盆水濺聰聰珠北臨高處日正午舉手欲摸黃金鳥
遙江大船小於葉遠村雜樹齊如疏潭州城郭在何處
東邊一片青模糊今來古往人滿地勞生未了歸丘墟
長卿之門久寂寞五言七字誇規模我吟杜詩清入骨
灌頂何必須醍醐白日不照耒陽縣黃天厄死飢寒軀

明珠大貝採欲盡蚌蛤空滿赤沙湖今我題詩亦無味
懷賢覽古成長吁不如興罷過江去已有好月明歸途

獄麓寺

沈傳師

承明年老輒自論乞得湘守東南本為聞楚國富山水
青嶂邇迤僧家園含香珥筆皆眷舊謙挹自忘臺省尊
不令執簡候亭館直許携手遊山樊忽驚列岫晚來逼
朔雪洗盡煙嵐昏碧波迴嶼三山轉丹檻繚郭千艘屯
華鑣蹀躞狗砂步大旆綵錯輝松門樛枝競驚龍蛇勢

折幹不減風霆痕相重古殿倚巖腹別引新徑縈雲根
目傷平楚虞帝堯情多思遠聊開樽危絃細管逐歌颺
畫鼓繡靴隨節翻鏘金七言陵老杜入木八法蟠高軒
嗟余潦倒久不利忍復感激論元元

文苑英華卷三百四十二

欽定四庫全書

文苑英華卷三百四十三 宋 李昉等 編

樓臺宮閣

樓四首

臺三首

宮三首

閣二首

園二首

亭五首

經行

封丘作一首

發閭中歌一首

金陵歌一首

梁園歌一首

襄陽歌一首

長安歌一首

鄴城引一首

鴻門行一首

顧渚行一首

武源行一首

過荆門歌一首

陪侍郎叔華登樓歌

集作宣州謝朓樓
錢別校書叔雲

李白

棄我去者昨日之日不復留亂我心者今日之日足繁

集作多繁憂長風萬里送秋鴈對此可以酌集作醉高樓蔡氏

集作
蓬萊

文章建安骨中間小謝又清發俱懷逸興壯思飛

欲上青雲

集作
天

覽明月抽刀斷水水更流舉杯銷愁愁

復

集作
更

愁男兒人生在世不稱意明朝舉棹還滄洲

集作
作

扁
散髮弄
舟

越王樓歌

杜甫

綿州州府何磊落顯慶年中越王作孤城西北起高樓
碧瓦朱甍照城郭樓下長江百丈青山頭落日半輪明
君王舊跡今人賞轉見千秋萬古情

江樓曲

李賀

樓前流水江陵道鯉魚風起芙蓉老曉釵催一作鬢語

南風抽帆歸來一日功鼈吟浦口飛梅一作遇飛雨竿頭酒

旗換青紵簫驂浪白雲差池一作參差黃粉油集作紬衫寄郎

主新槽酒一作曲聲苦一作善無力南湖一頃菱花白眼前

便有千里愁小玉開屏見山色

上官昭容書樓歌

貞元十四年友人崔仁亮於東都買得研神記一卷有昭

容列名書縱處因用感歎而作是歌

呂溫

漢家婕妤唐昭容工詩能賦千載同自言才藝是天真
不服丈夫勝婦人歌闌舞罷閒無事縱恣優游一作柔弄

文字玉樓寶架中天居緘奇祕異萬卷餘水精編帙綠

鈿軸雲母擣紙黃金書風飄一作吹花露清旭時綺窓高

掛紅銷帷香囊盛煙繡結絡翠羽拂案碧集作青琉璃吟

披嘯卷紛無已皎皎淵機破一作碎妍理詞縈綵翰紫鸞

迴思耿寥天碧雲起碧雲起心悠哉境深轉苦坐自催

金梯珠一作玉履聲一斷瑤階日夜生青苔青苔閥九闕

曾比群玉山神仙杳何許遺逸滿人間君不見洛陽南
市賣書肆有人買得研神記紙上香多蠹不成昭容題
處猶分明令人惆悵難為情

春臺引

寒食集畢
錄事宅作

陳子昂

感陽春兮生碧草之油油懷宇宙以傷遠登高臺而寫
憂遲美人兮不見恐青歲之遂還集作道從畢公以醉飲

寄林塘而一留綠芳藜於北渚憶桂樹於南洲何雲木
之英麗而池館之崇幽星臺秀士月旦諸子嘉一作喜青

鳥之辰迎火龍之始抉寶書與瑤琴芳蕙華而蘭靡乃
掩白蘋藉綠芷酒既醉樂未已擊青鍾歌渌水怨青春
之萎絕贈瑤臺之旛旛願一見而道集作尊意結衆芳之

綢繆曷余情之蕩漾集作養獨青雲以增愁悵三山之飛

鶴憶海上之白鷗且曰群仙去兮青春顏歲華歇兮黃
鳥哀富貴榮樂幾時兮朱宮碧堂生青苔白雲兮歸來

姑蘇臺

釋皎然

古臺不見秋草淒却憶吳王全盛時千年月照秋草上

吳王在時幾迴望至今月出君不還世人空對姑蘇山
山中精靈安可覩轍跡人蹤麋鹿聚嬋娟西子傾國容
化作寒陵一堆土

司天臺

白居易

司天臺仰觀俯察天人際義和死來職事廢官不求賢
空取藝昔聞西漢元成間下陵上替集作上
陵下替謫見天北

辰微暗少光色四星煌煌如火赤耀芒動角射三台半
見上
台半滅中台坼是時非無太史官眼見心知不敢

言明朝趨入明光殿唯奏慶雲壽星見天文時變兩如
斯九重天子不得知不得知安用臺高百尺為

連昌宮詞

元稹

連昌宮中蒲宮竹歲久無人森似東又有牆頭千葉桃
風動落花紅簌簌宮邊老翁為余泣少年選進集作食因

曾入上皇正在望仙樓太真同凭欄干立樓上樓前盡
珠翠炫轉熒煌照天地歸來如夢復如痴何暇備言宮
裏事初過寒食一百六店舍無煙宮樹綠夜半月高絃

索鳴賀老琵琶定場屋力士傳呼覓念奴念奴潛伴諸郎宿湏更覓得又連催特勅銜中許燃燭春嬌滿眼一作眠

睡紅銷掠削雲鬟旋裝束飛上九天歌一聲二十五

郎吹管逐逡巡大遍梁州徹色色龍茲轟綠續李暮摩笛傍宮牆偷得新翻數般曲平明大駕發行宮萬人鼓舞

在途途作中百官隊仗避歧薛楊氏諸姨車鬪風明

年十月東都破御路獨一作存祿山過驅令供頓不敢

藏萬姓無言集作聲淚潛墮兩京定後六七年却尋家舍

行宮前莊園燒盡有枯井行宮門閉

文粹作閨樹宛然爾後

相傳六皇帝不到離宮門久閑往來年少說長安元武

樓成花萼廢去年勅使因破竹偶值門開暫相逐荆榛

擲比塞池塘孤鬼騎癡緣樹木舞榭欹傾基尚在

集作存

文窓窈窕紗猶綠塵埋粉壁舊花鈿鳥啄風箏碎珠玉

上皇偏愛臨砌花依然御榻臨階斜蛇出鷺巢盤闌拱

茵生香案正當衙寢殿相連端正樓太真梳洗樓上頭

晨光未出簾影黑至今反挂珊瑚鉤指似

集作向旁人因

慟哭却出宮門淚相續自從此後還閉門夜夜狐狸上
門屋我聞此語心骨悲太平誰致亂者誰翁言野父何
分別眼見耳聞為君說姚崇宋璟作相公勸諫上皇言
語切變理陰陽禾黍豐調和中外無兵戎長官清強集作平
太守好揀選皆言由相公開元欲集作之末姚宋死朝

廷漸漸由妃子祿山宮裏養為兒號國門前閑如
市弄權宰相不記名憶得依稀集作依稀楊與李廟謀集作謀
顛倒四海搖五十年來作瘡痏今皇神聖丞相明詔

書纔下吳蜀平官軍又取淮西賊此賊亦除天下寧年
耕種宮前道今年不遣子孫耕老翁此意深望幸努
力廟謀休用兵

驪宮高

白居易

高高驪山上有宮朱樓紫殿三四重遲遲兮春日玉甃
暖兮溫泉溢嫋嫋兮秋風山蟬鳴兮宮樹紅翠華不來
歲月久墻有衣兮瓦有松吾君在位已五載何不一幸
乎其中西去都城幾多地吾君不來集作遠有深意一人

出兮不容易六宮從兮百司偖八十一車千萬騎朝有
宴飲幕有賜中人之產數百家未足充君一日費吾君
修己人不知不自逸兮不自嬉吾君愛人人不識不傷
財兮不奪集作傷力驪宮高兮高入雲君之來兮為一身
君之不來兮為萬民集作人

滕王閣歌

王 勃

滕王高閣臨江渚珮玉鳴鸞罷歌舞畫棟朝飛南浦雲
珠簾幕捲西山雨閣雲潭影日悠悠物換星移度幾秋

閣中帝子今何在檻外長江空自流

兩朱閣

白居易

兩朱閣南北相對起借問何人家貞元雙帝子帝子吹簫雙得仙五雲飄颻迎集作飛閣上天第宅亭臺不將去化

為佛寺在人間粧閣集作閣妓樓何寂靜柳似舞腰池似

鏡花落黃昏悄悄時不聞鼓集作歌吹聞鍾磬寺門勑榜

金字書尼院佛庭寬有餘青苔明月多閑地比屋齊集作齊

人無一作何處居憶時平陽宅初置吞併平人幾家地

疲

仙去雙雙作梵宮漸恐人家

集作間

盡為寺

南園

李賀

方領蕙帶折角巾杜若已老蘭芷

集作苔

春南山削秀藍

玉合小雨歸去飛長

集作涼

雲熟杏暖香梨葉老草銷

集作作

竹柵鏹池根

集作注

鄭公鄉老開酒盃坐泛楚

奏

集作酒

吟招鬼

金谷園歌

韋應物

石氏滅金谷園中水流絕當時豪右爭驕侈錦為步障

四十里東風吹花雪滿川紫氣集作氣凝閣朝景妍洛陽

陌上人迴首絲竹飄颻入青天晉武平吳恣懽醺餘風
靡靡朝廷變嗣世衰微誰肯憂二十四友日日空追遊
追遊詎可足共惜年華促禍端一發埋恨長百草無情

春自綠

勞勞送亭歌

亭在江寧南十五里古送別之所一名臨滄觀

李白

金陵勞勞送客堂蔓草離離生道傍古情不盡東流水

此日悲風愁白楊我乘素舸同康樂朗詠清川飛夜霜
昔聞牛渚吟五章今來何謝袁家郎苦竹寒聲動秋月
獨宿空簾歸夢長

此日集作此地

宿東溪李十五山亭

王季友

上山下山入山谷溪中落日留我宿松石依依當主人
主人不在意亦足名花出地兩重階絕頂平天一小齋
本意由來是山水何用相逢語一作舊懷

詒

奉和禮部李尚書酬楊著作竹亭歌

權德輿

直城朱戶相邇連九達丹轂聲闐闐春官自有花源賞
終日南山當目前晨搖玉珮趨溫室暮入竹蹊集作溪疑

洞天煙銷雨過香不足晴翠鮮飈逗深谷獨謠一曲泛
流霞閑對千竿連淨綠紫迴疏鑒隨勝地石磴巖扉光
景異虛齋寂寂清籟吟幽澗紛紛雜英墜家承麟趾貴
劖有龍泉賜上奉明時事無事人間方外興偏多能以
簪纓狎薜蘿嘗通內學青蓮偈更奏新聲白雪歌風入

松雲歸棟鴻飛滅處猶目送蝶舞間時忽成夢

集作夢
忽成

蘭臺有客叙交情返照中林曳履迎

集作聲

直為君恩

集作

思催造膝東方辨色謁承明

蕭常待瘦柏亭歌

盧綸

柏之異者山中靈好人截斷為君亭雲翻浪卷不可識
鳥獸成形花倒植莓苔舊點色尚青霹靂殘痕節猶黑
金貂主人漢三老構此窮年下朝早心規目製不暫疲
匠者受詞無一詞清晨拂匣菱生鏡落日凭欄星滿池

攢蕘闢拱無斤跡根瘦聯懸同素壁數層亂寫雲裏峰

萬片爭呈雪中石重簾不動自飄香似到瀛洲白雪

集作全

王堂水精如意方同

集作全

色雲母屏風遂掩光四倍綿

綿被纖草草上依微衆山道松間汲井煙翠寒洞裏園
暮天景好愚儒敢欲賀成功鸞鳳栖翔固不同應念廢
村今接地一枝思寄戶庭中

白沙亭逢吳叟歌

韋應物

龍池宮裏上皇時羅衫寶帶香一作春風吹滿朝豪士今

已盡欲詣舊遊人不知白沙亭上逢一作吳叟愛客脫

遣

吳叟愛客脫

衣且沽酒問之執戟亦先朝零落艱難却負樵親觀文

物蒙雨露見我昔年侍丹霄冬狩春祠無一事歡遊洽

醺多頌賜嘗陪夕月行宮齋每返溫泉灔陵醉星歲再

周十二辰爾來不語今為君盛時忽去良可恨一身集

生
坎壙何足云

經行

高適

封丘作

我本漁樵孟諸野一生自是悠悠者乍可狂歌草澤中
寧堪作吏風塵下只言小邑無所為公門百事皆有期
拜迎官長心欲破集作碎鞭撻黎庶令人悲歸集作悲來向

家問妻子舉家盡笑

集作道

今如此生事湏依

集作應湏

南畝

田世情付與東流水夢想舊山安在哉為銜君命日

集作作

且遲迴乃知梅福徒為爾却集作轉憶陶潛歸去來

發閭中歌

杜甫

前有毒蛇後猛虎溪行盡日無村塢江風蕭蕭雲拂地

山木慘慘天欲雨女病妻憂歸意速秋花錦石誰復數
別家三月一書來集作得書避地何時免愁苦

金陵歌送別范宣

李白

石頭巉巖如虎踞陵波欲過滄洲集作江去鍾山龍盤走

勢來秀色橫分歷陽樹四十餘帝三百秋功名事跡隨

東流白馬小兒

集注金鞍

誰家子秦清之歲來闢囚

集注作吹

唐虎嘯鳳凰接

金陵昔時

集注日

何壯哉席卷英豪天下來冠蓋

散為煙霧盡金輿玉座

一作革

成寒灰扣劍悲吟空咄嗟

梁陳白骨亂如麻天子龍沉景陽井誰歌玉樹後庭花
此事傷一作北
地悲心不能道城集作目下離離長春草送爾

長江萬里心他年來訪南山皓

梁園吟

見三百三十六卷

李 白

襄陽歌

見二百一卷

李 白

長安道

見一百九十二卷

韋應物

鄴城引

張 鼎

君不見漢家失統三靈變魏武爭雄六龍戰盪海吞江

制中國迴天運斗應南面隱隱都城紫陌開迢迢分野
黃星見流年不駐漳河水明月俄終鄴國宴文章猶入
管絃新帷座空銷狐兔塵可惜望陵歌舞處松風四面
暮愁人

鴻門行

袁瓘

少年買意氣百金不辭費學劔西入秦結交北遊魏秦
魏多報人與代亦殊倫由來不相識皆是暗相親寶馬
青絲轡狐裘貂鼠服一作皮晨過劇孟遊暮投咸陽宿然

諾本云云諸侯莫不聞猶思百戰術更逐李將軍始從
灞陵下遙遙度朔野北風聞楚歌南庭見胡馬胡馬秋
正肥相邀夜合圍戰酣烽火滅路斷救兵稀白刃縱橫
逼黃塵飛不息虜騎血灑衣單于淚霑臆獻凱雲臺中
自言塞上雄將軍行失勢部曲遂無功新人不如舊新
舊一作人不相救萬里長飄飄十年計不就棄置難重論
驅馬度鴻門行看楚漢事不覺風塵昏寶劍中夜撫悲
歌聊獨舞此曲不可終曲終淚如雨

顧渚行寄裴方舟

釋皎然

我有雲泉隣渚山。山中茶事頗相關。鶼鷀鳴時芳草死。
山家漸欲收茶子。伯勞飛日芳草滋。山僧又是採茶時。
由來慣採無近遠。陰嶺長兮陽崖淺。大寒山下葉未生。

小寒山中葉初卷

二山名

吳姥携籠上翠微。蒙蒙香刺脣。

春衣迷山乍被落花亂。度水時驚啼鳥飛。家園不遠乘
露摘歸時露綵猶滴。瀝初看抽出欺玉英更取煎來。
勝金液昨夜西風雨。色過朝尋新茗復如何。女宮露滋

青芽老堯市人稀紫筍多紫筍青芽誰得識日暮探
採之長太息清冷真人待子元仙傳清冷真人裴君興道人真子元為友貯

此芳香思何極

武源行

前人

昔年群盜阻江東吳山動搖楚澤空齊人示戴二字疑蜂
蠻毒羨稷化為荆棘叢匈匈四顧多窪穴浮雲白波不
妨同萬人死地當虎口一旦生涯懸詖中昨日將軍徇
死節悉何生昏二字疑陷成血胿中豹畧張陣雲握內蛇

予揮白雪長州南去接孤城居人散盡皷諺疑驚三春

不見芳草色四面惟聞刁斗聲此時狂寇紛如市君當
要衝固深壘縱橫計出皆獲全士卒身先每輕死掃平
氛祲望吳門人閑歲羨桑柘繁比屋全生受君賜連營
罷戰頂君恩如何弃置功未錄通籍無名滯江曲瀾亭
不重李將軍漢爵猶輕蘇屬國荒營寂寂隱山椒春意
空驚故柳條野戰攻城只如此即今誰是霍嫖姚

過荊門歌

李紳

荆江水闊煙波轉荆門路遙山葱蒨帆勢侵雲滅又明

山呈

程 疑作

背日昏黃見青青麥壠啼飛鴉寂寞野逕棠

梨花行行驅馬萬里遠漸入煙嵐危棧賒林中有鳥飛

幽谷月上千巖一聲哭腸斷思歸不可聞人言恨鬼來

巴蜀我聽此鳥祝我魂死勿學此聲銜冤縱為羽族莫

栖息直上青雲呼帝闈此時山月如銜鏡巖岫參差互

輝映皎潔深看入澗泉分明細見樵人逕陰森鬼廟當

郵亭鷄豚日宰間羶腥愚夫禍福自迷惑魍魎憑何通

百靈月低山曉問行客已醉椒漿拜荒陌惆悵忠貞徒
自持誰祭山頭望夫石

文苑英華卷三百四十三

欽定四庫全書

文苑英華卷三百四十四 宋 李昉等 編

獸

馬十首

牛二首

犀一首

虎一首

豹一首

羸駿篇

喬知之

噴玉長鳴西北來自言當代是龍媒萬里鐵關行入貢

九重金闕門一作為君開蹀躞朝馳過上苑趨趕暝走發

章臺玉勒金鞍荷裝飾路傍觀者無窮極小山桂樹比

權奇上林桃花況顏色忽閒天將出龍沙漢主持將駕

鼓車去去山川勞日夜遙遙關塞斷煙霞山川關塞十

年征汙血流離赴月營肌膚銷遠道膂力盡長城長城

日夕苦風霜中有連年百戰塲搖珂齒勒金羈盡爭鋒

足頓鐵菱傷垂耳罷輕齋棄置在寒谿大宛蒲海北溟

壑舊一作舊巖西沙平留緩步路遠闊頻嘶從來力盡君

湏棄何必尋途我已迷歲歲年年奔遠道朝朝暮暮催
疲老扣冰晨飲黃河源拂雪夜食天山草楚水檀溪征
戰事吳塞烏江辛苦地持來報主不辭勞宿昔立功非
重利丹心素節本無求長鳴向君君不留祗應漫一作瀆

漫歸田里萬里低昂任生死君王儻若不見遺白骨千

金猶可市

沙苑行

杜甫

君不見左輔白沙如白

集作白如

水繚以周牆百餘里龍媒

昔是渥洼生汗血今稱獻於此苑中駢牝三十匹豐草
青青寒不死食之豪健西城無每歲攻一作收駒冠邊鄙

王有虎臣司苑門入門天廄皆雲屯驃驕一骨獨當御

春秋二時歸至尊至尊內外馬盈億伏撲在坰空大存

逸羣絕足信殊傑倜儻權奇難具論繫繫追阜藏奔突

往往坡陀縱超越角壯翻騰麋鹿游浮深簸蕩鼴窟

泉出巨魚長比人丹砂作尾黃金鱗豈知異物同精氣

雖未成龍亦有神

老瘦集作馬行

前人

東郊老

瘦集作

馬使我傷骨骼肆兀如堵牆絆之欲動轉

欹側此

豈有意

仍騰驤細首六印帶官字衆道三軍遺

路傍皮乾剥落雜泥滓

暗蕭條

連雪霜去歲奔波逐

餘冠驛

驅不憒不得

將士卒多騎內廄馬惆悵恐是病

乘黃當時歷塊悞一蹙

委棄非汝能周防見人慘澹苦

集作告哀訴失主錯莫

漢集作不精品

光天寒遠放鴈為

伴侶集作日暮未

不集作

收鳥啄瘡誰家且養願終惠更試

集作

不集作

明年春草長

李鄴縣丈人胡馬行

前人

丈人駿馬名胡騮

集作胡

前年避賊過金牛

集作

天子朝飲漢水暮靈州

集作

自矜胡騮奇絕代

集作

乘出千人萬

人愛一聞說盡急難材轉益愁

集作

向駕駘輦頭上銳耳批

秋竹脚下高蹄削

集作寒玉始知神龍

集作龍神

別有種不比

集作

似俗馬空多肉洛陽大道時再清累日喜得俱東行鳳

臆麟鬚

集作龍簪

未易識側身注目長風生

駿馬歌

集作
馬行

高都護驄馬行

右二詩合入此卷歌行門而英華誤編在二百九
卷樂府門今不重錄

驅馬篇

戴嵩

神哉彼泰山五嶽專其名隆高貫雲霓嵯峨出泰清流
六二侯間此句疑高置十二亭上有涌醴泉玉石揚華英
東北望吳野西望觀日精王者已歸天効厥元功成

舞馬篇

薛 瞿

星精龍種競騰驤雙眼黃金紫艷光一朝逢遇升平代
伏阜御圖事帝王我皇盛德苞六羽俗泰時和虞石拊
昔聞九伐有餘名山海經夏后啟舞九代馬伐疑是代字今日百獸先來

舞鈎陳周衛儼旌眊鍾鍊陶匏聲殷地承雲嘈嘴駭日
靈調露鏗鉉動天駟若麟螭躡景追風忽見知咀銜拉
鐵並權奇被服雕章何陸離紫玉鳴珂臨寶燈青絲綵
絡帶金羈隨歌鼓而電一作驚逐九劍而飈馳態聚蹄
霓非

普胡切
馬蝶跡

還急驕凝驥不移光敵白日下氣擁綠煙垂婉

轉盤跚殊未已懸空步驥紅塵起驚鳬翔鷺不堪儔矯

鳳迴鸞那足擬衡垂桂裏香氛氲長鳴汗血盡浮雲不

辭辛苦來東道祇為蕭韶朝夕聞闇闇間

一作門玉臺側

承恩煦兮生光色鸞鏘鏘車翼翼偹國容兮為戎飾充

雲翹兮天子庭荷日用兮情無極吉良乘兮一千歲神

芝一作是

得兮天地期大易占云南山壽趨趣共樂聖明

時

望雲驃馬歌

并序

元稹

德宗皇帝以八馬幸蜀七馬道斃唯望雲驃來往不頓
貞元中老死天廐臣稹作歌以記之

憶昔先皇幸蜀時八馬入谷七馬疲肉綻筋寧四蹄脫
七馬死盡無馬騎天子蒙塵天雨泣嶢巖道路淋漓濕
崢嶸白草眇難期認洞黃泉安可入

白草認洞並駱谷
中地名古説云認

洞入
黃泉朱泚圍兵抽未盡懷光寇騎追行及嬪娥相顧倚
樹啼鷓鴣無聲仰天泣圉人不疑進望雲驃衫色一作袍衫

顛頊衆馬欺上前噴吼如有意耳尖卓立節跪奇君王
試遣廻胷臆撮骨鋸牙駢兩肋蹄懸四距脰顆方膀竦
三山尾扶直圉人畏謗仍相感此馬無良空有力頻頻
齧掣轡難施往往跳趨騎集作鞍不得色沮聲悲仰天訴

天不遺言君未識亞身受取白玉鞍集作羈開口銜將紫

金勒君王自此方敢騎似遇良臣久悽惻龍騰魚鼈咸

震集作蟬然驚驥驥駵驥少顏色七聖心迷運方厄五丁力

盡路猶窄駱駘山上斧刃堆望秦嶺下錐頭石五六百

里真符縣八十四盤青山驛掣開流電有輝光突過浮雲無朕跡地平隘集作險盡施黃屋九九屬車十二轂齊

映前導引駟頭嚴震迎號抱駟足路傍垂白天寶民望
駢禮拜見駢哭皆云集作言元宗當時無此馬不免騎駢

來幸蜀雄雄猛將李令公收城殺賊豺狼空天旋地轉
日再中天子却坐明光宮朝廷無事忘征戰校獵朝廻

暮越宴御馬齊登擬用槽

麻中號乘輿之副曰擬用槽

君王自試宣

徽殿園人還進望雲駢性強步澗無方便分鬃擺袂集分

駿作頭集作頭太高擘肘迴顧集作頭項難轉人人共惡難回跋
攏杖

潛遣飛龍減芻秣金銀集作銀鞍繡轡不復施空盡益引天

年御槽活當時鄙諺已有云集作言莫倚功能集作高浪開

闊登山縱似望雲驅平地湏饒紅兒駢集作撥長安三月

花垂草果下翩翩紫駒好千官暖熱李令閑百馬生獐

望雲老望雲駟爾之種類世世奇當時項王乘爾祖分

配英雄集作豪稱霸主爾身今日逢聖人從幸巴渝歸入

秦功成事遂身退天之道何必隨羣逐隊到死踏紅塵

望雲騶用與不用各有時爾勿悲

瘦馬行

李端

城傍牧馬驅未過一馬徘徊起還卧眼中有淚皮有瘡
骨毛焦瘦令人傷朝朝放在兒童手誰覺舉頭看故鄉
往時漢地相馳逐如雨如風過平陸豈意今朝驅不前
蚊蚋滿身泥上腹路人識是名馬衰一作疇昔三軍不

得騎玉勒金鞍既已過追奔獲獸有誰知終身櫪上食
君草遂與駕駘一時老使伯長鳴隴上風猶期一戰安

西道

放牛歌

陸龜蒙見集本

江草秋窮似秋半
十角吳牛放江岸
鄰肩抵尾乍依偎
橫去斜奔忽分散
荒陂斷塹無端入
背上時時孤鳥立
日暮相將帶雨歸
田家煙火微半濕

官牛

白居易

官牛官牛駕官車
滻水岸邊驅集作駕載沙一石沙幾斤
重朝駕載暮載將何用
載向五門官道西
綠槐陰下

集作載

填集作鋪沙堤昨來新拜右丞相恐畏泥深

集作泥

汙馬

蹄右丞相馬蹄踏沙雖淨潔牛領牽車欲流血右丞相
但能濟人理國調陰陽官牛領穿亦無妨

馴犀

貞元丙子歲南海獻馴犀詔納苑中至十三年冬大寒馴犀死

白居易

馴犀馴犀通天犀軀貌駭人角駭鷄海蠻聞有明天子
驅犀乘傳來萬里一朝得謁大明宮歡呼拜舞自論功
五年馴養始堪獻六譯語言方得通上嘉人獸俱來遠

蠻館四方犀入苑
銅以瑤芻鎖以金故鄉迢遞君門深海
鳥不知鐘鼓樂池魚空結江湖心馴犀生處南方熱秋無
白露冬無雪一入上林三四年又逢今歲苦寒月飲冰臥
寢苦踧踖角骨凍傷鱗甲縮馴犀死蠻童集作兒啼向闕再
拜顏色低奏乞生歸本國去恐身凍死似馴犀君不見建

中初馴象生還故

集作故

林邑

建中元年詔直出苑內馴象放歸南方

君不見貞

元末馴犀凍死蠻兒泣所嗟建中異貞元象生犀死何足言

南陽小將張彥破口鎮稅人場射虎謌

韋莊

海內昔年狎太平，橫目穰穰何崢嶸。
天生天殺豈天怒，忍使朝朝餓猛虎。
關東驛路多丘荒，行人最忌稅人場。
張彥雄特制殘暴，見之叱起如叱羊。
鳴弦霹靂越幽阻，往往依林猶旅拒。
草際旋看委錦茵，腰間不更一作見抽白羽。
老饕已斃衆雖恐，童稚揶揄皆自勇。
忠良効順勢亦然，一劖猜狂敢輕動。
有文有武方為國，不是英雄伏不得。
試徵張彥作將軍，幾箇將軍顧策勲。

臘日觀咸寧王部曲娑勒擒豹歌

盧 紜

山頭瞳瞳日將出
山下獵圍照初日
前林有獸未識名
將軍促騎無人聲
潛形跪伏草不動
雙鶻轉旋羣鷗鳴
陰方質子纔三十
譯語受詞蕃語揖
捨鞍解甲疾如風
人忽虎蹲獸人立
歛然扼頸批其頤
爪牙委地涎淋漓
既蘇復吼拗仍怒
果叶英謀生致之
拖自深叢目如電
萬夫失容千馬戰
傳呼賀拜聲相連
殺氣騰陵陰滿川

始知縛虎如縛鼠販虜降羌皆目覩一作在祝爾嘉詞

眼前祝爾嘉詞

爾無苦獻爾將隨犀象舞苑中流水禁中山期爾攫搏
開天顏非熊之兆度無極願紀雄名傳百蠻

文苑英華卷三百四十四

欽定四庫全書

文苑英華卷三百四十五 宋 李昉等 編

禽

鳳一首

鶯三首

鶴二首

杜鵑二首

鶲二首

百舌一首

鳶一首

秦吉了一首

白鷗一首

水鳥一首

朱鳳行

杜甫

君不見瀟湘之山衡山高山顛

卞國注杜詩作巖

朱鳳聲

集作鳴

嗷嗷側身長顧求其曹翅垂口噤心甚勞

一作勞勞

下愍百

鳥在網羅黃雀最小猶難逃願分竹實及螻蟻盡使鷗
梟相怒號

侍遊宜春苑奉詔賦龍池柳色初青聽新鶯百

轉歌

李白

東風已綠瀛州草紫殿紅樓覺春好池南柳色半青青

紫烟裏嬌拂綺城垂絲百尺挂雕楹上有好鳥相和鳴
間關早得春風情春風卷入碧雲去千門萬戶皆春聲
是時君王在鎬京五雲垂暉耀紫清仗出金宮隨日轉
天迴玉輦繞花行始向蓬萊看舞鶴還過苑若聽新鶯
新鶯飛繞上林苑願入簫韶雜鳳笙

聽鶯歌

僧靈徹

新鶯傍簷曉更悲孤音清冷嚙素枝口邊血出語未盡
豈是怨恨人不知不食枯桑椹不銜苦李花偶然弄樞

機婉轉陵煙霞衆雛飛鳴何跕促自覘遊鱗啄枯木玄猿何事朝夜啼白鷺長在汀洲宿黑鵠黃鶴豈不高金籠玉鈎傷羽毛三江七澤去不得風煙日暮生波濤飛去來莫上高城頭莫下空園裏城頭鴟鳥拾羶腥空園鶩雀爭泥滓願當結舌含白雲五月六月一聲不可聞

聽鶩歌

集作曲

韋應物

東方欲曙花冥冥啼鶩相喚亦可聽乍去乍來時近遠
纔聞南陌又東城忽似上林翻下苑綿綿蠻蠻如有情

欲嚬不嚬意自嬌。羨兒弄笛曲未調。前聲後聲不相及。
秦女學箏指猶澁。湏臾風暖朝日瞰。流音變作百鳥喧。
誰家懶婦驚殘夢。何處愁人憶故園。伯勞飛過聲跕促。
戴勝下時桑田綠。不及流鶯日日啼。花間能使萬家春。
意閑有時斷續聽。不了飛去花枝猶裏裏。還栖碧樹鎖
千門。春漏方殘一聲曉。

仙鶴篇

武三思

白鷺乘空何處飛。青田紫蓋本相依。縱山七月雖長去。

遼水千年會憶歸緜山杳杳翔寥廓遼水纍纍歎城郭
經隨羽客步丹丘曾逐仙人遊碧落迢迢碧落斷氣埃
霞堂雲閣疑幾重開欲尋東海黃金竈仍向西山白玉

臺九臯獨唳方清切五里驚群俄斷絕月下分行似度
雲風前颺影凝迴雪風前月下路漫漫水宿雲翔去幾
般宛轉能傾吳門市徘徊巧拂漢皇壇琴中作曲從來
易鼓裏傳聲有甚難夜夜恒飛銀漢曲朝朝常飲玉池
瀾別有聞簫出紫煙還如化履上青天霜毛忽控三神

下玉羽俄看二客旋驚雀終迷橫海志蜉蝣豈識在陰
年莫言一舉湏千里為與三山送九仙

鶴媒歌

陸龜蒙

偶繫江

集作漁

船汀樹枝因看射鳥令人悲盤空野鶴忽

然下背翳見媒心不疑媒閑淨立如無事清唳時時入

遙吹徘徊未忍遇南塘且應同聲與

集作就

同類疏翎宛

若相逢喜只怕纔來又驚起窺鱗啄藻乍低昂注定當

胷流一矢媒歡舞躍勢離披似謠功能胷努兒雲飛水

宿各自物妬侶害羣猶爾為何況

集作異

人間有名利外

頭笑語中猜忌君不見荒陂野鶴陷良媒同類同聲真

可畏

杜鵑行

杜甫

君不見昔日蜀天子化作杜鵑如集作似

老鳥寄巢生子

不自啄群鳥至今與哺雛雖同君臣有舊禮骨肉滿眼

如集作身羈孤業工竄伏深樹裏四月五月偏號呼其聲

哀痛口流血所訴何事常區區爾豈摧殘始發憤羞帶

羽翮傷形愚蒼天變化誰料得萬事反覆何所無萬事
反覆何所無豈憶當殿羣臣趨

同前

司空曙

又見杜甫集

古時杜宇稱皇帝魂作杜鵑何微細跳枝竄葉樹木中
捨翔集作佯 賢捩雌隨雉毛衣慘黑自顛頽衆鳥安肯相
尊崇漏贊 形不收栖華屋短翮唯願巢深叢穿皮啄
朽觜欲充苦飢始得食一蟲誰言養雛不自哺此語亦
足為愚蒙聲音咽平聲 嘘若集作咽如 有謂號啼略與嬰兒

同口乾垂血轉迫促欲似集作似俗上訴於蒼穹蜀人聞之皆起立至今相効傳微風集作微學傳遺風乃知變化不可窮

豈思昔日居深宮嬪妃左右如花紅

呀鶲行

杜甫

病鶲卑飛俗眼醜每夜江邊宿衰柳清秋落月集作日

側身過鴈歸鴟錯迴首緊腦雄姿迷所向踈翮稀毛不可狀強神迷復早鵠前俊材早在蒼鷹上風濤颯颯寒山陰熊羆欲繁集作熟龍池深念爾此時有一擲失聲濺

血非其心

義鵠行

前人

陰崖二蒼

集作有
又作有

鷹養子黑栢巔白蛇登其巢吞噬

資朝食

集作恣
朝餐

雄飛遠求食鳩者鳴辛酸力強不可制

黃口寧

集作無

半存其父從西歸

集作來

翻身入長煙斯湏

領健鶻冤憤

集作痛憤
又作憤適

寄所宣斗上捩孤影無聲

集作噭哮

來九天修鱗脫遠枝巨顙折老拳高空得蹭蹬短草辭

蜿蜒折尾能一掉飽腸皆已

集作已皆

穿生雖減

集作減

衆雛

死亦垂千年物情有報復快意貴目前茲實鷺鳥最急

難心惱

皎集作

然功成失所往用捨何其賢近經濁水涓

此事樵人

夫集作

傳飄蕭覺素髮凜若

集作只欲

衝儒冠人生

許與

計一作有夫

分亦在

集作只在又

顧盼間聊為義鶻行永

集作

用
激壯士肝

百舌吟

劉禹錫

曉星寥落春雲低初聞百舌間關啼花枝滿空迷處所
搖動繁英墜紅雨笙簧百轉音韻多黃鸝吞聲鶯無語

東方朝日遲遲升迎風弄影如自矜數聲不盡又飛去
何許一作處

相逢綠楊路綿蠻宛轉似娛人一心百舌何紛紜
醜顏俠少停歌聽墮珥妖姬和睡聞可憐光景何時
盡誰能低迴文粹作徊避鷹隼廷尉張羅自不關潘郎挾彈

無情損天生羽族爾何微古端萬變乘春輝南方朱

鳥一朝見索漠集作寘無言蒿下飛

飛鶯操

前人

鶯飛杳杳青雲裏鶯鳴蕭蕭風四起旗尾飄揚勢漸高

箭頭砉劃聲相似長空悠悠霽日懸六翮不動凝飛

集作

飛凝烟遊鶴翔鷹出其下慶雲清景相迴旋忽聞飢鳥一

噪聚瞥下雲中爭腐鼠騰音礪吻相喧呼仰天大嚇疑
鵠鵠畏人避犬投高處俛啄無聲猶屢顧青鳥自愛玉

山禾仙禽徒貴華亭露樸檄危巢向暮時

文粹作
陪魏

飽腹蹲枯枝遊童挾彈一麾肘臆碎羽分人不悲天生

衆禽各有類威鳳文章在仁義鷹隼儀形蠻蟻心雖能
戾天何足貴

秦吉了

白居易

秦吉了出南中彩毛青黑花頸紅耳聰心惠舌端巧鳥語人言無不通昨日長爪鳶今朝大嘴烏鳶捐乳鷺一

巢

集作
窠

覆烏啄母鷄雙眼枯雞號墮地驚已

集作
驚

去然

後拾卵攫

一作
獲

其雛豈無鷗與鷄喙中肉飽不肯搏亦

有鸞鶴群閑立高颺如不聞秦吉了人云爾是能言鳥

豈

一作
爾

不見雞鸞之寃苦吾聞鳳凰百鳥主爾竟不為

鳳凰之前致一詞

集作
言

安用嚙嚙

集作
噪

噪

閑言語

放白鶻篇

宋之間

故人贈我綠綺琴兼致白鶻鳥琴是嶧山桐鳥出吳溪
中我心松石清霞裏弄此幽絃不能已我心河海白雲
垂憐此珍禽空自知著書晚下麒麟閣幼稚嬌癡候門
樂乃言物性不可違白鶻愁慕刷毛衣玉徽閉匣留為
念六翮開籠任爾飛

水鳥歌

陸龜蒙

水鳥山禽雖異名天工各與雙翅羽離巢吞啄即一例

游處高卑殊不停別有觜鈎爪戟勁立直視者擊搏挽
裂圖彊腥如此等色恣豪橫竦身往往陵青冥為人羅
絆取材力韋韁綵綬懸金鈴三驅不以鳥捕鳥天下先
得聞諸經超然可繼義勇後恰似有意

集作志

行天刑鷗

閑鶴散兩自遂意思不受人丁寧今朝掉倚塞江汀春

鉏翡翠參鳩鵠孤翹側睨瞥滅沒未是即肯馴軒楹婦

女衣襟便唼舌始得金籠日提挈精神卓犧

一作舉

背人

飛合

集作冷

抱簾葭宿煙月我與時情大乖刺祇是江禽

有眉髮慙慚謝爾莫相猜歸來長短同羣活



文苑英華卷三百四十五